

南野堂筆記

辛亥季冬
施清署燕

第3本

卷 7-9

南野堂筆記目錄

卷七

錄虎林楊湘石詩

錄烏程范白舫詩

秀水沈古音詩錄

節錄新安朱醉竹詩句

摘錄德清戴彥民五言詩

述錄桐溪沈石臞論詩說

錄桐溪朱春橋詩 二則

留贈馬氏山房詩述

錄角里馬無斧采蓮曲

馬淡子詩錄

褚坪芝詩錄

錄聞均之蠶婦歎詩

摘錄小倉山房壁間贈答諸詩句

錄蕭山蔡伯子即事詩

山陰呂黍字游鸚鵡山詩錄

述錄黃松石孝子負骸圖詩

摘錄方雪屏詩集詩

摘錄方蘭坻詩句

述錄李謹珩詩句

同里田秋水處士詩錄

摘錄同里費草亭詩句

海昌鍾箬溪詩錄

錄曹古香詠蠶詩述

秀水顧樊桐詩錄

輯錄畢秋帆尚書詩集詩

錄錢塘徐子甯詩

節錄錢唐張之江詩句

卷八

錄楚中聞子規書感詩述

讀杜子美詩句追憶舊事

錄徐閬齋舊作詩

錄畢秋帆尚書紀事詩句

憶錄江陵九月公解詩 二則

棠錄詠蘇小詩詞句

棠錄詠西湖楊柳詩詞句

錄韓吟子過張功甫園亭詩并紀事

錄西湖楊柳詞紀事

錄如皋吳東里詩句

金陵吳少宗伯襄詩錄

呈荆宜道崔曼亭詩述

又錄曼亭觀察紀事詩

錄錢竹初題崔夫人詩述

錄崔禮卿出峽詩

錄崔瘦生紅葉詞

贈朱鶴沙詩句錄

錄汪勗齋送春詩

元和馬香谷詩錄

述錄武進周寄霄詩集詩

又錄寄霄消寒會諸友詩

錄周荅湖司空題畫詩述

錄澤洲馮松亭登鳳凰臺詩

又錄松亭殘菊詩兼述和作

輯錄諸才人蜀游各詩句

錄淳安方朴山詩句

錄禦兒方樸園詩句

憶錄觀王孫舞劍詩述

贈維揚王布衣詩述

邗江洪薌林詩錄

寄呈山竹坪隨征諸友詩

錄惠尚書賦洗硯魚吞墨詩

曹古香甜酒歌述

述錄陶東籬詩句

錄楚中分寄諸友詩

鍾海六詩錄

再錄曹古香詩句

再錄陶東籬詩

采錄詠君山詩述

錄張竹汀巴里坤置郡詩

錄焦山僧借庵詩集句

汪天潛虎林看桃花詩錄

選錄竹村某鴛湖采菱歌和者詩句

又錄踏青詩

錄錢文端語兒鄉詩

錄張復齋詩句

錄張霽村詩

述錄秀水朱英武詩

題沈紀鴻采蘭圖詩述

摘錄吳太初詩集詩

又錄吳太初東坡馬券後詩序并詩

摘錄秀水祝豫堂詩集句

梅里王少闇詩錄

學朱竹垞檢討詩說

錄當湖沈客子詩述

卷九

摘錄阮雲臺司農詩藁詩

述錄阮昭勇將軍寶刀歌并序畧

紀阮湘圃封翁事實

又錄阮仲嘉及長生公子詩

錢唐陳曼生詩錄 二則

陳雲伯明經詩錄

述錄金陵孫蓮水詩 二則

山陰邵無恙詩錄 二則

述錄山陰陳默齋詩

錄陳壽蘇詩句

平湖朱椒堂詩錄

輯錄賦春閨詞

錄西湖詁經精舍湖樓詩述

輯錄題壁絕句

輯錄詩僧佳句

同里沈古石春礪詩錄

摘錄吳郡石遠梅詩句

丹徒王柳村詩述

丹徒錢鶴山詩錄

邗上投贈詩錄

錄吳興徐渭陽過訪詩

山陰吳雄飛詩錄

錄臨潼張軼青詩句

邗上朱二亭詩錄

摘錄南康謝蘇潭中丞詠史詩句

錄吳蘭雪贈梁山舟太史詩

又錄蘭雪西湖酒舫詞

梅里丁小鶴詩錄

仁和宋茗香詩錄

錄元和曹曉亭五言田家詩

又述堯亭詩藁說

述錄吳旭堂詩句

紀游吳山事實

仁和李桐村詩錄

季水蔣春雨詩述

又紀春雨繪圖事

贈宋茗香詩錄

述錄梅里許晦堂詩

錄海鹽吳榕園詩

錄梅里錢杏溪詩

述錄東陽李紫翔詩句

彙錄諸詩人佳句

述錄諸友新年雜詠詩

錄會稽周蘭坡詩句

續歸田錄詩句述

錄延長姪苧村即景詩

錢唐鮑淥飲詠物詩句錄

仁和龔素山詩句錄

輯錄名人醒世詩句

濟南王秋水詩錄

錄濟南王朝鼎省覲歸途句

錄江都張子貞看燈詞

題朱蕃縉紀痛詩後述

摘錄廣陵林述曾詩句

南野堂筆記卷七

稿李吳文溥澹川譔

滿洲繼 昌蓮龕定

虎林楊湘石元凱以名進士出宰昆陽量移泅水為詩雍容和雅神與景會知其醞釀深矣。述懷云：既已長兒女，豈不忍升斗？平生灑落懷，以此失八九。獨酌云：近時飲酒人，飲亦徇世故。天趣苟不存，尋歡適成苦。賞菊云：酒熟待重陽，開尊試共嘗。月生知蜩滿，霜落見橙黃。竹影侵簾古，蟲聲入戶涼。連朝赴良約，都為菊花忙。元日喜二女歸寧云：門楣心願畢，荆布舊家風。失母疎慈訓，居貧缺女工。歸寧新歲樂，送別晚燈紅。更喜居相近，牆陰東復東。新歲獨酌云：衰年朋好謝，新歲掩蓬廬。念昔同歡笑，逢春感索居。五十云：五十未云老，盛年都已過。春風笑華髮，不醉意如何。憎春云：白髮不改色，林花都放春。生憎艷陽節，欺得暮年人。春日遣興云：暖煙著樹迷離綠，啼鳥催花次第開。不是天上勸人飲，風光何事做春來。山行云：木石藏熊館，風沙亂馬蹄。過魯云：嶽雲終古白，海氣五更紅。思家云：一官憂患始，八口夢魂餘。牡丹云：偶因公事出，借作看花游。寄家書云：杜老四松無恙在，陶公三徑幾時還。寓興云：竄林蒼鼠捷於鳥，啼雨小蟲清似琴。賦感云：家山不遂躬耕願，風木空傷建祿心。偶成云：老

記舊書如記夢。閒看人事似看花。

烏程范音號白舫。磊落好交薄游。江漢轉徙竟陵。詩多悽惋之音。蒼涼之概。其登六和塔云。四望白雲落。青天一雁高。晴開越山翠。秋冷海門濤。秋日題錢塘驛舍云。海門遙望路冥冥。斜日錢唐古驛亭。老樹霜寒秋色紫。隔江雲歛暮山青。浙西納土歸天命。河北班師落大星。憑弔興亡千古恨。潮聲不盡子胥靈。寄袁簡齋太史云。萬斛泉源湧筆端。髯蘇再世主騷壇。登瀛天上辭仙職。說法人間現宰官。詩酒交游常滿座。江山吟眺獨憑闌。品量六十年來事。福海醲春歲月寬。舟中寄友云。遙傳芳訊憶征塵。為報征衫未卸身。陋巷茅容虛奉母。孤舟王粲慣依人。夢驚笳動江邊驛。腸斷花開客裏春。裁得數行書未寄。歸心先自逐魚鱗。黃鶴樓云。五湖煙雨滯歸舟。三楚關山動旅愁。脫珮酒家判盡醉。一聲橫笛大江秋。又句若水清飛絮欲無影。階靜落花如有聲。蜀錦屏開山六六。齊紈扇撲蝶雙雙。酒畔清談揮麈尾。花間新句束牛腰。春雪不消如旅思。寒燈留影伴吟魂。惆悵風流無郊島。陋習。

秀水沈古音祖蔭篤行君子也。為詩不事追琢。以自然為宗。如江行口號云。翠螺結復結。修眉彎更彎。春山看不盡。好在夕陽間。半畝園步月口占云。居民晚飯罷。絡緯鳴向夕。猶有不眠人。吹燈語簷隙。度嶺云。過雨新谿響碧漪。經霜晚樹錦離披。籃輿。

到處堪成賞。一路秋山。叫畫眉。山雲云一帶連。捲向日曛。忽看巾子白紛紛。青山自是多情物。纔了朝雲。又暮雲。過竹田村。豎云。暝色來簷際。秋暝東復西。宿霖村港。滿新穫稻田。低撲撲迎人犬。膠膠正午雞。一椽如可借。便擬問幽栖。野步云。步屨前村去。時聞叱犢聲。江南農事早。二月已催耕。荷衣云。輕莎一片水。水田春。翦取成衣。屬野人。漁浦斂。望間有影。柳塘披拂淨無塵。遙從青箬烏篷外。認得斜風細雨身。我欲繪圖添笠屐。便應西塞問投綸。又句如江行。即目云。天邊游子遠。江上好山多。南樓云。夕陽樓背人多少。錦袖金釵看鼠姑。風神駘宕中唐妙境。

新安朱醉竹嗜酒愛客。瀾漫天真。其詩如愁來休著想。病去即時通。好景每於閒處得。離憂且向醉中過。壯懷已被愁消歇。闕事全憑酒補償。等句。都有意趣。能以不著力為工。

德清戴彥民高著綠疇吟草。五言清遠不減王裴。如待月呈主人云。夜靜得秋意。主人春甕開。抱琴臨水坐。看月過松來。十載他鄉客。三更有夢回。即今良燕會。相對莫停杯。石蓮洞云。獅山十二曲。飛出碧芙蓉。六月不知暑。一花開過冬。昔賢曾講學。石室有遺蹤。到此似相識。白雲猶在松。筠公靜室云。蒼蒼九里松。藹藹兩高峯。每日茅簷下。閒雲掃幾重。如歡巨然筆。偶踐曇超蹤。相對了無語。惟聞空外鐘。

桐溪沈石矐世勲閉戶苦吟詩以陶杜為宗其論詩曰膚淺繁縟詩之弊甚矣反而求之庶幾其陶杜乎夫冲然而淡曠然而達不事雕琢恰得自然之趣者陶公之真而不失于俚也穿經穴史按時立言纏綿悱惻必本忠厚之意者杜老之大而不流於廓也若俚與廓則與膚淺繁縟相去幾何僕以為知言其詩如城南野步云背郭雨初歇亂流明晚霞浦風疎柳岸溪雪漲蘆花漁子舟為宅唐人寺作家獨行誰是伴佇立望歸鴉讀賈誼傳云治術休誇第一人漢廷無意重儒臣長沙久已留才子宣室何勞問鬼神盛世生難交絳灌少年死合並靈均憐君遠謫誠何事日暮招魂楚水湄讀平原君傳云救趙兵還仗李同邯鄲一戰立奇功如何效死沙場士不在三千食客中春日漫興云寂寂山房長翠苔柴門何事晝還開也知窮巷無春色恐有貧交看竹來又句云松徑白如曉溪流清到心夕陽猶在樹暝色欲歸禽落日照溪色餘光上我衣初月不終夕秋風無靜林禿樹駭人立怪禽聞夜啼頗盡幽居之概桐溪朱春橋八大方藹性好遊覽凡西冷吳興廣陵茂苑歲率至焉名流詞客相與搜崖翦莽圖繪題名見者以為山澤之矐列仙之儒也其詩如北行有感云吳根越角近游頻又作三千里外身此去不堪回首憶十年前有倚閭人漂母祠題壁云一飯相留淮水濱英雄相識在風塵後來知己蕭丞相已是王孫第二人東阿道中喜

雨作云盡日驅車觸熱忙。忽飛急雨溼行裝。山空欲裂奔雷響。雲黑還聞劃電光。溝水頓添三尺漲。旅人早卜一宵涼。江南有此甘霖否。五月農家正插秧。卞山白雀寺云千株夾道翠陰濃。直到山門不斷松。初地誦經來白鶴。半天飛雨自黃龍。雲煙磴戶喧春溜。筍蕨齋厨報午鐘。放眼五湖空濶處。扶筇更上最高峯。哭女二首云我亦經旬疾未瘳。憐渠抱病更懷憂。那知生死真難料。喪了紅顏剩白頭。硯匣塵封粉盞殘。花前月下總悲端。旁人一語聊相慰。只作殊鄉已嫁看。又句如草根喧吠蛤。籬落吐牽牛。閨人同學佛。稚子解鈔書。調鶴常分米。收琴屢典衣。神似陸放翁。

丈天性友愛其兄含叔待罪蜀中數十年後一旦蒙恩赦歸故里喜而賦詩云乍見猶疑魂夢間。旋知有詔得生還。頓教舉室歡無極。回憶當年淚尚潸。連夕

燈花曾送喜。一朝酒盞共開顏。別時少壯今衰老。相愛相悲髮盡斑。其同懷周謝幾傷神。故里他鄉剩兩人。詎意斷鴻仍作侶。可憐枯樹再逢春。九重恩大生難報。

歷劫身留許自新。家計好營田數畝。太平耕種樂天倫。其一時傳鈔讀者酸鼻比於東坡出獄與子由相見時光景所著春橋草堂詩集王蘭泉司寇為之序

角里馬氏與僕家再世相好無芥明經銓受業於先君子其尊人笑竹丈與先君子交最深自我家移居東津比鄰相見兩老人晨夕過從歡然樂也僕與從兄石溪及

衡齋諸兄弟諸侄輩一堂星聚至今夢想不置有秋日馬氏山房留贈詩二首云率
意無拘束。經過東復西。黃雞烹沒骨。紫蠅擊團臍。柄柄風荷折。叢叢露菊低。清秋能
幾日。判飲醉如泥。其一水榭看鵝鴨。山園蔭薜蘿。兩家兄弟樂。隔屋友朋過。餘興登高
後。良辰奈晚何。東津采菱伴。歸棹月明多。其二又贈馬玉銓兼示其從兄子汾三首云
我父及尊甫。風流二老俱。比鄰看花藥。扶杖戀桑榆。忝接庭前鯉。真憐屋上烏。為兒
如昨日。往事重嗟吁。其一與子披雲霧。秋空爽氣來。太初標亮拔。第五見清裁。廣廈平
生志。窮途老眼開。酒徒共搔首。一笑已銜杯。其二小阮詩才雋。從余得句新。青雲千里
意。玉樹一枝春。會見空羣足。真能走絕塵。道南來往數。諸弟亦相親。其三無筭有膽識
喜論事。鑒別流品敏。於從善尤厚。其戚黨周急。孤寒不遺餘力。購書數萬卷。置一樓。
丹黃甲乙左右鱗。次榮於南面百城矣。

無筭采蓮曲。云南湖之南。東津之東。搖搖桂楫。采采芙蓉。左右流水。真香滿空。嗟此
良夜。月華露濃。秋紅老矣。零落從風。美人玉面。隔歲如逢。褰裳欲涉。不知所終。此詩
似司空表聖詩品。由其襟情爽曠。故不耐作近體。

馬湊于明經汾詩才敏捷。日課數首。其雨中送春云。暮雨連春駕。東君自此辭。難將
流水住。畢竟落花知。草長翠鋪徑。鵲啼紅滿枝。回頭南浦望。倍有故人思。歲暮感懷。

云回首青天外。蒼茫逼歲闌。消磨妻子易成立。弟兄難綠字空盈篋。黃金未轉丹。蹉跎三十載。無計博親歡。蟋蟀云畢竟緣何事。秋聲獨爾悲。棲遲衰草共。身世冷風知。天氣正肅殺。人生多別離。感茲不能寐。一夕鬢如絲。咏稷鞋云。一兩稷鞋舊制精。樣偷麕眼細穿成。步回仄徑誇輕捷。踏過氣途化坦平。穩稱高僧登嶺去。雅宜處士看花行。笑他珠履三千客。但聽華堂索索聲。秋感云。疎疎茅屋咽階蛩。助我吟詩小病中。桐蔭涼風吹晚綠。荷香零露落秋紅。一年佳節隨流水。千里懷人託斷鴻。湘北荆南戎馬地。感時愁殺杜陵翁。送人之維揚云。杉青閭口水拖藍。十幅薄帆風力酣。屈指征塵六百里。杏花時節到江南。蘭渚坪芝云。笑余心性太癡生。春去春來嬾送迎。辜負雙柑空斗酒。不曾聽過一聲鶯。南湖柳枝詞云。張郎風調見依稀。雨態煙痕欲染衣。日暮畫橋晴有絮。東風吹落釣魚磯。又句如野泊云。花影溪邊屋。雞聲竹裏門。過馮丈小軒云。種花耽小隱。伴鶴度流年。贈友云。賴有文章重。堪消貧賤羞。雁字云。懷人江上書空憶。思婦樓頭錦可憐。雙溪云。釣魚客去村煙暝。牧犢人歸晚飯香。題曹種水畫水仙云。綠毫著手芳魂活。衣鉢君家賦洛神。

褚坪芝明經弱歲耽吟吐。辭名雋與馬淡千。陸蔣梅為文酒會里。中有三雋之目。其詩如燕銜泥云。燕銜泥。啄花鶯。掠風翦雨東復西。努力營巢終借棲。靈巖云。絃管復

絃管綺羅更綺羅。江南最佳麗。千載春風多。花草怨斜照。古今悲逝波。青山對我笑。
我對青山歌。雨後喜朱半。禪至云春至。動虛室。空階上綠苔。何期秋雨後。却得故人
來。繭紙摹蟲篆。雲蠹倒螳醢。坐深橫月色。剛照半窗梅。即景云春樹俯春溪。家家結
屋低。塔高晴見鳥。村靜午聞雞。背石苔成徑。緣牆土作堤。南湖花未了。一棹水東西。
春暮遊山塘。云湖山媚春色遊興繞芳塘。載酒綠波暖。聽鶯紅雨香。玉簫珠閣女。金
勒繡衣郎。三月江南路。登臨樂未央。山塘春思云。度曲垂簾鶯自語。當門楊柳斜光
暮。落花滿地不能飛。無人知道春風去。秋海棠云。傍砌叢叢冷夕陽。淚痕紅刺舊啼
妝。秋來正是悲時節。不道花開又斷腸。他句如九溪春日云。翠蝶晚猶舞。碧桃晴未
開。溪上云。危橋碍夕照。老樹易秋聲。舟行云。帆輕風力重。岸濶水聲多。早春云。酒和
春氣醺。梅犯月光寒。吳帆云。殘年逼長道。別思入梅花。

聞川孟均之明經著賦魚齋。豪宗尚恬雅。去塗澤姿媚者遠矣。蠶婦歎二首。厚忠悱
惻。風雅遺音。其辭云。去年蠶種稀。桑葉留滿樹。今年桑葉少。蠶種賣盈路。葉盡蠶未
眠。傍徨淚如雨。逆將鬻兒女。還恐無鬻處。其東家蠶黑瘦。盈筐棄前川。西家幸薄收。
縑車聲不喧。婦女慘相對。落日無炊煙。籬間犬忽吠。已泊催租船。其又呼鷹臺云。漢
江東去銅觀北。百尺層臺尚憶劉。地擁襄樊資坐嘯。名高俊及托清流。登高有賦悲

王粲生子無人似。仲謀誰唱野鷹來一曲。西風落葉古荊州。他句如過屈原濯纓臺。
云文章一代開三楚。魂魄千秋弔九疑。楊氏齋中留飲云。春盤杜老傳生菜。近局陶
家有隻雞臘月云。熟不因人嗤夢鹿。才非經世媿聞雞。婦病云。病無兒女愁依婢。貧
乏參苓苦勸餐。梵音閣登高云。鳥投紅葉樹。僧語夕陽樓。

袁太史小倉山房壁間贈荅之作。摘其佳句如程廷璜云。春禽鳴一聲。百花睡初起。
黃之紀云。隨園居士今方朔。游戲人間作歲星。定知談笑無餘子。如此師生有幾人。
來為湖上鶯花主。去作江南桑苧翁。開徑教穿紅雨過。起樓為看白雲生。劇憐我是
不才木。乍看翁如難見花。到處自開詩世界。無人不拜老神仙。筵列銀筵姬十五。坐
穿珠履客三千。陳熙云。記我姓名憐舊僕。念公眠食問佳兒。長生不學神仙術。見佛
皆生歡喜心。張舟云。集中長慶多新作。朝裏貞元少舊人。趙翼云。喬木十圍人共老。
名生一席客爭趨。與我相逢三竺路。此翁大似六朝人。錢維喬云。偶然著作高千古。
便不湖山也一生。折遇蘭云。老眼能知天下士。虛懷真見古人心。方正樹云。海內無
前輩。田間有使君。門教雙鶴守。衣倩百花薰。名花爭勸留賓酒。侍女分抄脫橐書。千
言獻賦誰知我。一句詩傳最感公。丁珠云。身閒但急千秋業。官罷還貪一縣花。黃景
仁云。文章草草皆千古。仕宦忽忽祇十年。暫借玉堂留姓氏。便依勾漏作神仙。張雲

璩云長棲花月神仙府。更勝蓬萊侍從班。葉紹棿云偶談舊雨人俱古。能坐春風客亦佳。何道生云愛才至此真如命。知己從來勝感恩。許署頭銜稱弟子。此生端不羨封侯。蒲忞云六代雲山隨杖履。一園花鳥盡聰明。汪汝弼云紅粉有人稱弟子。青山到處屬先生。叩戶山中仙鶴應。吟詩江上老龍聽。曠代誰標才子號。聞名都當古人看。等身著述空千載。於我浮雲擲一官。孫原湘云黃初詞賦空千古。白下江山送六朝。祝德麟云問渠何福能消受。不是青山即美人。孫光甲云請看字內文人筆。夢裏花都不敢開。成策云知否平生真樂事。見公勝似見金山。羅春霆云此身大類爭春鳥。只檢名山勝處飛。蔡元春云感遇詩容資士獻。閒情賦有美人鈔。李廷敬云但聞姓氏都關福。況對江山細論詩。劉志鵬云笑我因人方得熱。從今立雪不知寒。某公詠隨園菊云同是秋光開獨好。為公座上有春風。

蕭山蔡伯子仲光即事詩云幽棲何用日餐霞。五柳搖情映碧紗。怪底西隣牆不築。隔牆為有海棠花。排遍云水調聞歌淚滿裾。思君遠戍十年餘。秋來無數南飛雁。不寄雲中一紙書。風調絕倫伯子名仲光與包秉德沈禹錫毛奇齡為四友。

山陰呂泰字豪於詩酒醉中自為月旦有詩一字二酒三文四詞五之目其游鸚鵡山詩云丹雞白犬秦人洞。豪竹哀詩謝傅心。王粲不須嗟失路。故鄉無此好登臨。風

情悵悵蓋能用翻案法耳

仁和黃松石處士樹穀孝子也其父歿於寶定處士走數千里達瘞棺所棺朽函骨以歸沙石穿麻鞋血痕纓纓在脛有負骸圖詩云負骸孤走保陽城日日愁霖淚雨傾祇有父魂兒命在夜來同宿畫同行其先官少參者人呼黃佛兒處士詩云為展松楸到梵村暮門華表百年存白頭山姬遙相指黃佛兒家七世孫晚年著書精篆隸子小松司馬世其學

方蘭坻處士薰之尊人雪屏先生兼長詩畫著雪屏詩存為詩不宗一家絕去畦町獨標性靈如都門送友人南還云歲晏關河冰雪天瘦驃馱我出幽燕入懷未減襴衡刺得路多慚祖逖鞭結客心情猶往日封侯骨相已衰年黃金臺古重回首潦倒誰為國士憐移居東郭簡友云得澣征塵已隔年傍村水竹話清緣莫嫌東野無家具若過南州有榻懸酒熟隣翁能餉榼詩成稚子解分編尊前愁說游燕日羸馬蒙裘朔雪天咏白雁云素書欲達海天長落盡蘆花見故鄉萬古龍沙飛漢月一時客鬢滿吳霜遠歸薊北懷兄弟到及江南正稻粱猶有舊盟鷗鷺在依依寒夢伴瀟湘伍大夫祠云荒祠猶傍闔閭城落日東門弔古情人去蘆中留劍氣客來花裏聽簫聲一身恩怨分吳楚兩國存亡繫死生畢竟五湖歸計好怒濤枉自跨長鯨聞笛云